

四庫全書

集部

欽定四庫全書

集部

苑洛集卷十三

詳校官庶吉士<sub>臣</sub>李如筠

中書臣劉源溥覆勘

總校官原任中允<sub>臣</sub>王燕緒

校對官中書<sub>臣</sub>賈鏊

謄錄監生<sub>臣</sub>趙鳴皋

欽定四庫全書

苑洛集卷十三

明 韓邦奇 撰

蘇民困以保安地方事

浙江等處提刑按察司僉事臣韓邦奇謹奏為蘇民困  
以保安地方事臣巡歷至嚴州府建德等縣杭州府富  
陽等縣地方據軍民人等稟稱本處地方雖出魚鰾茶  
綾等物人民艱苦肆府太監差人催督擾害地方雞犬

不得安生要行禁約等因到臣為照前項魚茶綾縹係供用之物未敢擅專又訪得鎮守太監王堂市舶太監崔瑤織造太監晁進督造太監張玉各差叅隨人等在於杭嚴二府地方催攢前項進貢固已勒要收頭銀兩而不才有司官吏及糧里人等倚是貢物無敢稽察任意科歛地方被害人等聊生而肆太監伴貢之物動以萬計是陛下所得者壹而太監即所得者十叅隨人等所得者百有司官吏所得者千糧里人等所得者萬利

歸於私家怨歸於朝廷上供者一而下取者萬況此等  
之物品不甚奇味不甚美何足以供陛下之用哉及照  
建富等縣地方地瘠民貧山枯乏樵獵之饒江清鮮魚  
鰕之利兼以近年以來水旱相仍徵科肆出軍民困瘁  
已極故前歲流民相聚為亂一呼千百幾生大變幸賴  
無捕而安今尚洶洶未靖往事在鑑實可寒心伏望陛  
下勅下該部將前項貢物特從停止仍行巡按御史并  
按察司及該道分巡官揭榜戒諭今後敢有指稱進貢

名色在於各地方需索財物騷擾為害應叅奏者奏請  
究治應拏問者徑自拏問庶民困可蘇而地方可保無  
虞矣為此專差謹具奏聞正德十一年四月日  
戶禮二部覆題  
准免後鎮守等太監奏以阻絕進貢  
誹謗等事詔獄為民復進貢

慎刑獄以光新政事

山東等處承宣布政使司右叅議臣韓邦奇謹奏為慎  
刑獄以光新政事臣聞刑者人主治天下之大防而天  
下治忽所由係書稱堯舜之治至於四方風動其究歸

於皋陶象刑之功故刑者人主之所當重慎而不可忽者也國家法古制刑內則總之三法司外則總之提刑按察司後又特差監察御史審錄都御史巡撫且皆付以糾察之寄其法詳且盡矣至於錦衣衛之設蓋以待夫隱罪極惡天子非時震怒特遣下之非以為常者也然其制列聖相承止行於畿內至正德二年以來權姦相繼用事假此報復私讐中傷善類用張淫威迫脅海內官校紛紛而出所在有如豺虎破家亡身者郡邑相

望天下洶洶幾至大亂使非聖明繼世中興革而正之天下未可知也近者聖母駕過山東高唐州同知金波供應有缺陛下詔錦衣衛官校拏至京師天下譟然驚疑謂聖明在上亦復有此夫金波小官何足以動天下之聽聞而錦衣官校出京拏人則固天下聽聞之所係也伏望陛下特宥金波之罪自後在外府州縣官有犯付之按察司三司官有犯付之撫按官撫按官有犯付之三法司如此則內外相承體統不紊罪皆閱實孰可



逃刑哉臣以外服之臣乃敢塵穢聖聽罪誠難逭但臣山東方面官高唐臣山東屬州金波臣山東屬官陛下差錦衣衛官校拏人自臣山東始故敢輒肆狂瞽以獻芹曝惟聖明采擇焉為此專差謹具奏聞正德十六年

十一月日

都察院覆題先是撫按三司皆認罪時出巡在外不知也奏下撫按三司皆不悅遂自陳

仕致

自陳不職乞賜罷黜以消天變事

大理寺左少卿臣韓邦奇謹奏為自陳不職乞賜罷黜

以消天變事邇者彗星見於井宿之間陛下既躬盡克  
謹之誠又命羣臣痛加修省臣惟以人動天惟刑為甚  
速天下典刑之官惟大理寺為甚要昔之人所以一婦  
卿冤遂致大旱而廷尉稱為天下之平也稱斯職者必  
得仁明平正之人而後可如臣之凡庸愚昧豈能堪此  
要任曠官尸位上千天和彗星之變臣有其咎伏望皇  
上將臣速賜罷黜以消天變之一端也臣不勝戴罪恐  
懼之至為此親齋謹具奏聞嘉靖十一年八月

自陳不職乞賜罷黜以公考察事

巡撫宣府等處地方都察院左僉都御史臣韓邦奇謹  
奏為自陳不職乞賜罷黜以公考察事臣惟國朝舊例  
兩京官員每遇六年一考察四品以上皆令自陳舉職  
者留之不職者退之此誠陟幽明之盛典也今臣待  
罪都御史之官誤膺巡撫之任受兵民之寄假便宜之  
權況宣府一鎮擁衛京師當二敵之衝制五路之將使  
非有達機應變之才其何以勝重而致遠也伏念臣駑

駘之品驅策固已不前而蒲柳之姿衰病又加日迫知  
足之念每懷於平時而揣分之誠尤切於今日顧惟車  
非其馭則輻脫而載傾鼎非其器則足折而餽覆如臣  
之凡庸綿薄而叨此重大之任豈不遺地方之患負恩  
遇之隆哉伏望皇上俯賜宸斷將臣黜罷則大明之典  
協成周之公而熙績之功邁有虞之盛矣為此親齋謹  
具奏聞嘉靖十二年二月

乞給馬匹以實營伍事

謹奏為乞給馬匹以實營伍事臣惟防邊禦敵截殺追襲莫要於騎兵今宣府一鎮累年以來倒損馬匹數多其無馬官軍中間殊有驍勇善騎射之人若選而用之給之以馬皆為精兵則是給一馬即增一兵故邊人言出兵不如發馬此誠達機知實之語也況今大敵臨境時出輕騎欲行剽掠而騎兵尤所當急伏望皇上軫念宣府地方為擁衛京畿重鎮勅下該部於太僕寺給撥馬四五千匹則卒然之頃即增四五千精銳之兵矣

為此親齎謹具奏聞嘉靖十二年三月初三日

給馬三千匹

預處邊儲以濟缺乏以備急用事

謹奏為預處邊儲以濟缺乏以備急用事臣聞糧多則兵自強士飽則氣自倍苟糧乏而士餒則雖孫吳之智無以施其謀賞獲之勇不能致其力故糧者三軍之司命而凡行師者必以為急者也臣據宣府公差人員節次稟報去冬河凍之時北敵大衆渡河而東即今分散輕騎於各隘口潛駐或晝或夜窺我無備即行剽掠必

須隨處發兵按伏且聞走回人口報稱彼中約會大衆  
欲要南侵雖兵機難測未可全信察其事勢草生之時  
必然大舉深入今本鎮歲額錢糧僅足軍士月糧之支  
雖有先年所買之糧若彼果大舉而來必當調集客兵  
防禦截殺而所買之糧尚不足客兵之用至於按伏之  
糧全無措備必待臨期糴買則米價騰踊所費多而得  
糧少若於成熟之時預為處置則每銀一兩可以得二  
兩之用所費少而得糧多其月支之糧雖名為一石然

除本色外其折糧之銀或七八錢或六錢以上其實每月止得糧七八斗五六斗所以士多饑色心恒怨咨夫以饑色之人而懷怨咨之心乃欲責其奮勇敢死以赴敵者未之聞也伏望聖明勅下該部於大倉動支銀二十萬兩解赴本鎮管糧郎中處交收聽臣等乘時糴買以為按伏客兵之支其軍士月糧當春夏米價太貴之時全支本色如此則糧多而士飽以攻則勝以守則固矣為此專差親齎謹具奏聞嘉靖十二年三月日

發銀  
八萬



兩

舉將才以裨邊務事

謹奏為舉將才以裨邊務事臣自到鎮以來即以將才為事留心訪察似得其真然臣又以為干城之將不可以二卵棄蹄齧之馬乃能致千里故取其所長而畧其所短恕其既往而責其將來則人皆有可用之才苟以壹事而棄其平生以壹時而擯於沒齒斯下無全人而臨事有才難之嘆矣臣鎮所屬武臣其謀勇著聞才力

通敏而罪過無累者臣固舉之其雖因事罷閒而謀勇足稱才力有為者壹併奏聞以候聖明采擇焉臣訪得萬全都司軍政都指揮僉事王鎮坐營武舉都指揮同知梁桓此皆可以任遊擊而統援兵領叅將而守壹路者也保安衛掌印指揮使郭梁宣府右衛軍政管屯指揮使趙鏜宣府前衛掌印指揮同知俞鎮龍門衛掌印指揮同知信乾懷來衛掌印指揮同知陳綱此皆堪為大城守備保固疆場者也至於革任叅將都指揮僉事

李彬勇號萬人之敵各路之守將皆出其下革任守備  
隆慶左衛指揮僉事劉環名擅壹時之英各城之守備  
莫之或先二臣者若使復其原職建立必有可觀此其  
曖昧之過詿誤之失在所當畧者也如蒙勅下該部再  
加訪察如果臣言不妄將王鎮等擢用李彬等錄用則  
於邊務亦可少有裨補矣緣係舉將才以裨邊務事理  
具本專差謹題請旨嘉靖十二年七月十二日

分守官員兼理道事以裨地方事

謹奏為分守官員兼理道事以裨地方事臣會同巡按直隸監察御史議照宣府大同皆西北重鎮宣府地方五路叅將四十二城堡大同地方三路叅將一十七城堡而大同原設有布政司分守官一員按察司分巡官一員一府四州七縣又設有掌印佐貳首領官員今宣府止設僉事一員二州一縣況宣府兵馬之衆錢糧之多事務之繁比之大同又加三之一而所設之官無大同三之一僉事幹理固已不周及遇陞黜事故缺官又

復動經數月深為未便再照繁簡隨乎時因革通其變  
宣府地方歲入百萬凡各路城堡召商糴買殆無虛日  
夫利之所在弊緣之生利積則爭訟日起弊久則巧偽  
日滋由今視昔繁簡大殊因時拯弊幾在今日而大同  
布政司分守官事亦簡少宣大二鎮地方相去不遠分  
守官可以兼理二鎮事務如蒙勅下該部再加議處如  
果臣言可采行令大同布政司分守官兼理宣府事務  
照例依期交代或添設叅議一員於山西布政司列銜

如本鎮僉事事例僉事行分巡事分守官行分守事各  
官如或有缺更相帶管如此則上下相承體統有等政  
務可以振舉而地方亦有少裨矣緣係分守官員兼理  
道事以裨地方事理具本專差謹題請旨嘉靖十二年  
七月二十七日

墩軍大缺盜甲器械不便瞭報防守事

謹題為墩軍大缺盜甲器械不便瞭報防守事節該欽  
奉勅諭命爾巡撫宣府等處地方整飭邊備訓練軍馬

俱要衣甲整齊器械鋒利欽此已經通行各路分守叅將欽遵督同守備等官即將軍士衣甲器械一一點視其有損壞者修補製造應自備者責其自備應官給者在官給與其旗幟金鼓有損舊者悉與更換務要鮮明響曉仍將查勘修補製造更換過數目開報通行去後日久未據回報又經節次催查近准分守東北中西南五路左右叅將馮勲李懋都勲郝鎮劉江手本各稱查得所屬墩臺隘口守墩軍士原闕盛甲什物委因年久

破爛不堪并節年被敵疎失各路通共缺少盔六千六百八十頂甲七千二百二十二副腰刀三千六百一十八把等因到臣為照各路守墩軍人共八千五百二十九名今缺盔者至六千六百八十名缺甲者七千二百二十二名缺腰刀者三千六百一十八名是數千人者皆赤身空手之人也臣為之警訝慨嘆不意邊備之廢弛一至於此臣惟宣府一鎮擁衛京師去敵人駐牧之地甚近視各邊最為要緊而墩軍日與敵人相臨所恃



以典司砲火傳報聲息把截隘口助揚軍威使敵人不敢以深入者較諸軍尤為要緊者也顧可使之赤身空手以當之哉臣嘗因各管墩官申報墩軍下墩取水及走報聲息往往為三五零敵即行擒去或在墩上為敵射傷臣竊疑之本鎮墩臺甚密相去不過二三里舉旗發砲鄰近各墩及設伏之兵二三十人卒然可具遇三五零敵來擒墩軍縱不能斬獲追逐而應援救護力亦所能何至為之擒去且敵在墩下軍在墩上身披堅甲

墩上又有女牆遮蔽自下而上仰而發矢何至射傷孰知其盜甲器械之不備如此夫盜甲所以衛身器械所以攻人今皆無之以赤身空手之人而遇強敵雖百不能以當一其擒去射傷固其宜矣古云器械不利是以其卒與敵也況皆無乎言之可為痛哭思之可為寒心不可不亟為之處也再照西路城堡極邊衝要敵人不時出沒已經量給過盜甲腰刀各八百件隨查得萬全都司見在貯庫盜三百六十六頂甲三百五十七副腰

刀五百四把并收先年京操官軍帶回堪中盛八百九十  
十九頂甲四十六副腰刀五千三百五十三把及京營  
兌調軍器盛一千九百一十七頂甲一千九百四十七  
副腰刀二千一百四十八把除腰刀可勾支用惟盛甲  
在庫數少不敷如蒙乞勅兵部查議合無准令將前各  
項軍器支給其欠少之數於該部見收盛甲內扣算照  
數發運前來聽臣分給各路墩軍收領其各路損壞不  
堪盛甲腰刀收送都司堪修補者修補查候腹裏軍人

有缺者給付庶守墩軍人衛身攻人各有其具而瞭報  
防守兩便矣緣係墩軍大缺盔甲器械不便瞭報防守  
事理未敢擅便為此專差謹題請旨嘉靖十二年八月  
二十六日

鄰境官軍殺死總兵官員事

謹題為鄰境官軍殺死總兵官員事嘉靖十二年十月  
初九日辰時分據大同巡撫都御史差來夜不收劉名  
報稱十月初六日三更時分本城官軍聚眾放砲吶喊

將總兵官李瑾殺死及將本官公解燒燬等因得此會  
同總兵官都督僉事議得大同官軍聚衆殺死總兵官  
燒燬公解地方大變除行各路叅守等官申嚴號令整  
捌人馬嚴為隄備盤詰姦細外緣係鄰境官軍殺死總  
兵官員事理為此專差謹題請旨嘉靖十二年十月初  
九日

怯懦將官燒荒遇敵奔敗事

謹題為怯懦將官燒荒遇敵奔敗事據宣府在城坐營

管操都指揮僉事朱彬呈據把總千戶孫鎮等呈稱本年十月初一日蒙鎮守總兵官劉淵統領坐營都指揮朱彬等官軍三千餘員名前往中路青邊口堡燒荒至本月初二日卯時分與同本路叅將都勲守備操守官楊鉞王勲靳尚武張輔等人馬俱從本堡大變新臺西空出境都勲領兵前哨朱彬等後哨相繼行走至未時分哨至地名紅崖兒等處與張家口堡燒荒宣府遊擊王鎮南路叅將劉江人馬會合仍分兵各從原路回還

朱彬等當先都勲等人馬繼後各責令夜不收四散燃  
火至地名大莊窩被南山溝內潛伏北敵約有二十餘  
騎乘隙風煙前敵突出拍馬喊叫衝來各官軍并叅將  
都勲帶領有馬官軍往東混亂跑走遺下步軍被敵邀  
追射砍當蒙總兵官劉淵坐營官朱彬督率職等官軍  
齊力奮勇與敵兵力相接射中三敵拖拉去訖將步軍  
馬匹救入營內復督官軍追至紅崖兒其敵敗遁山林  
趨避欲再窮追山河艱險樹林深密時值天晚恐墮敵

計收兵回還查得本管並無疎虞若不具呈又思官軍怯懦跑走儻將本管人馬驚亂致失大事恐難分辯呈乞轉達等因備呈前來行間隨准分守中路左叅將都指揮使都勲手本嘉靖十二年十月初二日卯時蒙鎮守總兵官劉淵統領宣府并本路官軍從青邊口新臺西空出境燒荒分布本職等前哨行至地名紅崖兒等處離邊約遠七十餘里各下營劄立傳令官軍發火焚燒至未時分起營回還總兵官劉淵前行本職收兵後



行至地名大莊窩迤西比時煙霧蔽天忽被南溝林內  
突出北敵二十餘騎拍馬喊叫來衝本職督令官軍下  
馬各用神鎗弓矢射打當有總兵官劉淵急來救援復  
督官軍齊力奮勇射打傷中數敵各賊見我兵勢衆大  
慌張奔走往西北去訖欲要追趕山險林密河道阻隔  
恐墮敵計收兵入境續據葛峪堡守備指揮楊鉞呈稱  
查得被敵射傷旗軍三名劉剛崔恕武三射死軍人李  
小大下馬一匹操守常峪口堡指揮靳尚武呈稱查得

逃使

人之

欠振

實圖

堡之

諸軍

下法

振矣

被敵射傷軍人二名田仲禮周小柴操守羊房堡指揮  
王勲呈稱查得被敵射死軍人一名潘永倉擄去本軍  
下馬一匹神鎗一把再無別項疎虞又據操守青邊口  
堡指揮張輔呈查得本堡並無損傷官軍馬匹等因各  
呈到職恐有漏報取具各官不致隱漏結狀在官等因  
備具手本到臣會同巡按直隸監察御史叅照左叅將  
某當燒荒之際為殿後之軍提數千之精兵遇二十騎  
之零敵兵力未交望風退縮致諸軍之大敗而四散奔

此專

謹題

日午

軍人

月初

差人

天明

羣敵之長驅而縱橫出沒重為邊境之羞益驕敵志良以本官才本凡庸性復怯懦惟平昔之威名故臨陣之紀律不嚴及至開報緣由又多隱匿情脫重罪肆捏虛文再照守備操守等官某各提一兵同為奔北之將使當時有一人負勇而自立則必不至相視而大潰通屬有違法當叅究如蒙勅司將某等依律從重究治庶邊臣知警而軍威可緣係怯懦將官燒荒遇賊奔敗事理未敢擅便為

差謹題請旨嘉靖十二年十月十一日

親王至鎮欲要赴闕事

為親王至鎮欲要赴闕事嘉靖十二年十月十一時有代府承奉吳聰齋王令帖到臣內開為叛逆兇惡逼迫私出禁城親詣赴闕事嘉靖十二年十六日晚三更時分本爵在宮聞知城中放砲吶喊門首打探言說軍士燒燬總兵官都察院門及至將總兵官李瑾殺死將總兵官及都察院衣服等

件盡行搶去又將各店客貨亦行搶去有經過府門者  
言說要本爵與他做主於初七日申時分將各處修邊  
按伏軍馬調入城中本爵慌懼引領承奉吳總襲衣小  
帽就混入於衆人之中從北門而出前至金谷莊潛伏  
一更時分將管莊人王宣帶領跟隨前至四家莊將管  
莊人宋景春亦隨前來至順聖川西城劉叅將容暫一  
宿初九日起身有總旗張文錦楊達因在東井村催糧  
亦隨前來等因到臣至本日未時臣謹迎王入至鎮城

臣慰安及整備一切供用外會同總兵官都督僉事看得大同軍變王因出至臣等鎮城實不得已但要親詣赴闕未奉明旨臣等啓王留住鎮城候明旨以為進止緣係親王至鎮欲要赴闕事理臣等未敢擅便為此專差謹題請旨嘉靖十二年十月日

實邊鎮以振兵威以防敵患事

謹題為實邊鎮以振兵威以防敵患事據萬全都司坐營管操都指揮僉事朱彬呈稱照得宣府在城前後營

並奇兵新舊遊兵營原設馬隊官軍一萬四千餘員名  
聽征馬一萬二百餘匹近因大同軍變蒙將奇兵營舊  
遊兵營新遊兵營並將前後營及南路叅將兵馬盡數  
調去及北中西各路精壯官軍亦摘選通行征勦大同  
止遺前營走報夜不收並存留傳報各處城堡擺撥等  
項官軍一千餘員名日逐差遣不暇馬匹節漸疲憊況  
今敵中走回人口傳說大舉兵馬要來搶掠及邊報聲  
息絡繹不絕倘遇警急動調追勦深為未便如蒙准呈

乞早裁處庶克濟事等因到臣為照去歲冬間大敵渡河而東特命文武大臣總制提督軍務且調遼東延綏之兵以為應援蓋為宣大二鎮預防敵患而設今總制提督既專意西征大同臣鎮奇兵舊遊兵新遊兵南路叅將兵遼東延綏兵既盡數調去而前營後營及中北西各路精銳之兵謀勇之將亦各抽選而去本鎮止留奇兵一千餘名又近日使者交馳錢糧解發往來護送日見疲損操演且不能以成陣況遇警禦敵而可責其



成功也哉倘北敵乘虛而來雖孫吳不能支而況臣輩  
凡庸者乎兵法曰勿恃其不來恃吾有以待之今待之  
者無具矣豈可不為之預處耶臣查得本鎮步軍倒死  
馬軍及壯餘人等綽有驍勇之人若授以什物給以馬  
匹數千精兵旬日可具所缺者馬耳如蒙勅下兵部議  
處將太僕寺馬匹給發二三千匹聽臣抽選前項步馬  
壯餘人等給授之編成司隊作為一營又臣本鎮嘉靖  
十一年十二年馬價共該四萬兩不曾解發再乞勅下

戶部將前年例銀兩照數差官解送臣鎮收買馬匹置辦什物亦給抽選前項步馬壯餘給授之編成司隊作為一營但馬數甚多恐一時收買不及合無將前項銀兩內取三萬轉發兵部每銀十五兩折馬一匹給發前來一萬兩徑解臣鎮為置買什物及本鎮買馬之用臣仍於本鎮空閑叅守都司等官中推選謀勇著聞之人二員統領之待事寧之日分撥前奇新舊遊兵諸營補其逃亡之數如此則不惟可以為本鎮防敵之備亦可

以遙為進征大同諸軍之聲援此亦救時之一策也臣  
叨承撫寄事在剝膚故敢昧死上陳惟聖明鑑察焉緣  
係實邊鎮以振兵威以防敵患事理未敢擅便為此專  
差謹題請旨嘉靖十二年十一月日

選軍給馬暫團營伍以實邊鎮事

謹題為選軍給馬暫團營伍以實邊鎮事會同總兵官  
都督僉事議照本鎮近因大同事變兵馬多調西征本  
鎮實為空虛臣等謹便宜會選得無馬軍人及步軍一

千四百三十四名從公推選得空閑都司李淮才力有為謀勇可取暫委為千總職事試驗得指揮千百戶旗舍六十六員名俱各年力精壯弓馬熟嫻指揮等官范紹宗等六員為把總職事千百戶旗舍李陞等六十員名為管隊貼隊職事及置買旗招響器馱鼓長鎗柞木等項俱已完備每把總四員旗軍一千名作為一營就令李淮統領以聽征調其餘官軍亦令李淮暫管候足千人之數別選謀勇官員委為千總職事統領另行具

題事寧之後仍令各歸本伍緣係選軍給馬暫團營伍以實邊鎮事理未敢擅便為此專差謹題請旨嘉靖十三年正月二十二日

逆軍引誘北敵大舉入侵鄰境預防邊患事

謹題為逆軍引誘北敵大舉入侵鄰境預防邊患事本月二十日據遊擊將軍夏杲差夜不收孫良報稱大同逆軍引誘北敵五萬有餘至大同城下將遊擊將軍王鎮等殺敗即今賊尚未退二十二日又據巡撫大同樊

都御史差來齎本百戶鄭鎮稟稱即今北敵大衆尚在  
大同城下分遣精銳三千餘名南搶應州等處自聚落  
堡至大同城下道路不通二十三日又據擺撥軍人任  
福玉傳提督軍門號令運糧之車且不必來本日又據  
夜不收劉章報稱東關宣府叅將李彬兵北關宣府副  
總兵張鎮兵叅將劉江兵俱被圍困六日未支糧料先  
據宣府分守東路右叅將馮勲稟帖開報十六日大舉  
敵兵從永寧邊方擁衆入境本職統領官軍林錦等急

出迎敵不料敵衆兵寡混砍一處倡令我兵捨命對敵  
占據山梁傷中敵人敵馬數多俱被鈎馱內敵漢語叫  
說不要放箭與你答話你們人馬去闕大同我大納延  
也來了先使三箇頭兒領衆兵卒搶殺等語據此切詳  
所言中間顯有姦細復來之舉旦夕難測除對敵緣由  
另行呈報等因各到臣會同總兵官都督僉事議照大  
同逆軍引誘北敵大舉入侵直抵城下敗我官軍駐兵  
不退且分兵搶掠圍困諸將阻絕餉道似與尋常入侵

不同臣恐大同既已得利必侵宣府縱或暫回其勢草  
生凍解必然大舉分侵宣大兩鎮而東敵亦有大納延  
引兵也來之說及照近因西征大同臣鎮奇兵舊遊擊  
兵新遊擊兵南路參將兵盡行調去而前後營及各路  
精銳之兵謀勇之將亦行摘調臣鎮實為空虛夫以大  
同城下京營及各路兵馬林立雲集尚且敗挫不支而  
況空虛之宣府哉且敵中既有逆軍為之畫謀鄉導則  
我各邊之虛實夷險彼皆詳知其大舉入侵必然之理



也夫以一北敵大同城下數路之兵不能支若東敵入自東路北敵入自西路一宣府豈能支哉夫宣府者大同之根本京師之隄防也大同雖已失利苟宣府無事則猶可據此以圖再舉而京師亦不至於震驚儻宣府亦復失利譬之根本既枯枝葉無從而生隄防既決下流必受其害則大同不可圖而京師之勢孤且危矣況大同城下衝鋒處險被圍被殺張鎮劉江李彬王鎮部下皆宣府調去之軍則宣府之虛豈但目前而已哉臣

等叨承重寄鎮撫一方事在剝膚心誠危懼故敢昧死  
上陳伏望皇上軫念邊方重鎮勅下該部會集多官從  
長計處將新調延綏遼東之兵發與臣鎮聽臣等調遣  
節制仍再調別鎮兵馬防禦及多給馬匹聽臣等選軍  
給授如此庶乎有備無患而邊境可保無虞矣緣係逆  
軍引誘北敵大舉入侵鄰境預防邊患事理未敢擅便  
為此專差謹題請旨嘉靖十三年正月二十四日

久缺極邊要路參將官員事

謹題為久缺極邊要路參將官員事臣會同總兵官都督僉事議照南路參將劉江中路參將李彬因大同軍變調去西征及照前項二路係極邊要地當勁敵之衝而參將官員外以防禦勁敵內以聯絡諸城一時所不可缺者今既逾時改歲矣況今鄰境軍變大敵壓境又非平時之比也臣等雖委官暫管然止可於平居無事之時奉行文移幹理政務而已若夫遇警臨陣諸委官固不能致身於他人之職而諸軍士亦豈能效死於暫

委之官哉此固理勢之必然也臣等嘗見雖諸司卑微之職一遇暫委政務輒廢況叅將受朝廷之勅當一方之寄掌握兵權攘外安內豈可久以權假之官居之哉況劉江李彬素有謀勇既去西征他日功成報捷當膺賞擢亦必不復居舊職矣如蒙勅下該部再加議處推選素有謀勇之人領勅前來管領二路兵馬惟復聖明別有裁度緣係久缺極邊要路參將官員事理具本專差謹題請旨嘉靖十三年二月日

選軍給馬暫團營伍以實邊鎮事

謹題為選軍給馬暫團營伍以實邊鎮事會同總兵官  
都督僉事議照本鎮先因大同事變兵馬多調西征已  
經會選得無馬軍人及步軍一千四百三十四名推選  
得空閑都指揮李淮為千總指揮等官范紹宗等六員  
為把總千百戶旗舍李陞等六十員名為管隊貼隊及  
置買旗招響器馱鼓長鎗柞木等項俱已完備每把總  
四員旗軍一千名作為一營就令李淮統領以聽征調

其餘官軍亦令李淮暫管緣由先已具題訖臣等今復會選過官軍五百六十二員名並前餘剩軍士四百三十四名把總管貼隊官旗二十二員名共湊一千之數從公推選得空門指揮同知路鏜久歷邊方熟知邊務暫委為千總職事試驗得指揮千百戶旗舍二十四員名俱各年力精壯弓馬熟嫻指揮等官王清等二員為把總職事官旗舍孫清等二十二員名為管隊貼隊職事一體置買旗招響器馱鼓長鎗柞木等項就令路鏜

統領以聽征調事寧之日各歸本伍緣係選軍給馬暫  
團營伍以實邊鎮事理開坐具本專差謹題請旨嘉靖  
十三年閏二月日

地方疲憊乞處稅糧以蘇民困事

謹題為地方疲憊乞處稅糧以蘇民困事臣會同巡按  
直隸監察御史議照本鎮地方懷來衛隆慶右衛隆慶  
州永寧縣保安衛美峪所宣府鎮城衛所萬全左衛懷  
安衛保安右衛東城西城深井等處近因大同事變征

需調發百倍往時凡軍需火器糧料草束及一切攻戰之具皆係本鎮運送兼以使者交馳大軍經過宗室流寓車牛夫馬動以萬計家無閑丁役及婦女日無寧時繼之以夜差役固已繁重況其時天寒地凍雪深冰滑損傷者不計其數又以極邊之地人無多蓄數月之間問閭困瘁前項地方嘉靖十三年稅糧已蒙聖恩蠲免五分其該徵五分委的辦納不前再照地方固所當卹國儲亦所當惜臣等查得萬全都司庫內所貯歷年椿



朋年例及近日兵部二次發下馬價銀兩以往年歲驗馬匹計之可足嘉靖十三年十四年十五年三年之支況各年又各有朋合年例銀兩雖四年之支亦且有餘去年戶部解到十一年年例銀二萬兩見在如蒙勅下該部再加議處將前項地方五分稅糧蠲免將前項戶部年例銀二萬兩發管糧郎中為接濟軍儲之用如此則地方既得蘇息而國儲亦可以少補矣萬民幸甚臣等幸甚緣係地方疲憊乞處稅糧以蘇民困事理未敢

擅便為此具本專差謹題請旨嘉靖十三年四月日

議處年久浥爛預備倉糧以濟時艱事

謹題為議處年久浥爛預備倉糧以濟時艱事據宣府前衛申據本衛預備倉委官見監鎮撫劉鎮等各呈告自嘉靖二年起至嘉靖十三年四月終止除放支外見在倉廩細糧五萬五千三百八十三石三升四勺八抄六撮九圭在廩盛放年久節蒙查盤踏躑虧折坐問侵盜經收人員晝夜思慕性命攸關錢糧為重地氣濕浥

米粒日漸蟲食經年看守有損無增愈加致累不得聊  
生等情具申定奪等因到臣行間續據宣府左衛申開  
預備倉委官見監千戶楊欽見任千戶竺雄等名下見  
在麤細糧一萬八千五百二十九石九合八勺宣府右  
衛申開預備倉委官見監千戶尹鸞見任千戶李政等  
名下見在麤細糧八千四百八十二石八升七合五勺  
五抄二撮興和守禦千戶所申開預備倉委官百戶李  
雄等名下見在麤細糧三千五十石七斗八升三合四

勺四抄三撮亦各稱年久日有壞爛無支放之期又據千戶王鎮開稱在城時估每絲銀一兩糴粟米八斗又據軍人郭驢兒等亦稟稱米價甚貴正當青黃不接之期折色糴米養贍不足乞要放支本色等情通據得此臣會同總理糧儲戶部郎中議照前項倉糧委因年久浥爛經收人員問罪追陪往往至於破家亡身其見在倉糧臣等取而視之委將浥爛目下青黃不接時值委為太高軍士糧價月止陸錢五分糴糧不過五斗委於

養贍有所不足又召商糴買銀一兩三四錢方可得糧一石而米價愈至於騰踴若不因時議處何以克濟時艱合無將前項倉糧借支給與本城軍士作為月糧候秋成之時將萬億庫所貯軍儲銀兩糴買抵斗還倉如此則一轉移之間有五便焉以陳朽而得新好國儲不至於有虧一便也軍士得受其實惠而不至於怨咨二便也富商不得專大利而時估可平三便也所費之銀少而得米多四便也經收人員不至啣冤負枉破家而

亡身五便也再照倉糧之浥爛米價之高貴軍士之缺食不特鎮城一處為然在各邊亦多如此而米價之貴又有甚於鎮城者亦合通行從宜酌處如蒙勅下該部再加議處如果臣等所言可采乞俯賜施行則臣等幸甚地方幸甚緣係議處年久浥爛預備倉糧以濟時艱事理未敢擅便為此具本專差謹題請旨嘉靖十三年

四月二十九日

安設兵馬防禦敵騎以明烽堠以固地方事

謹題為安設兵馬防禦敵騎以明烽堠以固地方事案  
照先據萬全都司呈將估計過懷安城李信屯新築土  
堡一座設蓋公廨倉場營房等項該用木鐵等料共銀  
一千三十七兩一錢七分一釐等因備細造冊繳報前  
來據此案照先據守備懷安城指揮同知周鏜呈稱本  
城西北地名李信屯與隔鎮大同所轄天城邊界相去  
五十餘里地方平漫各年敵人往往乘隙由彼邊方入  
侵我境多被殘害合無修築土堡一座設立墩臺撥軍


防守等情已經行據守備官周鍾將各項該用物料銀兩數目估計呈報又經案行該司估計明白臣會同巡按直隸監察御史議照前項李信屯地方係兩鎮交界之衝兩山俱盡之所實敵人由大同地方入侵宣府咽喉之地若於本屯地方設堡立墩斬崖築牆屯兵戍守則敵人必不敢長驅而下以侵西南二路地方而意外隱憂亦可為備誠有如守備周鍾之所言者既經該本官與都司估計停當相應依擬除行文都司將修築土



堡設蓋倉場公廨等項通共用銀一千三十七兩一錢七分一釐於官庫見收節年農民銀內動支一千兩贓罰銀內支領三十七兩一錢七分一釐選委的當官員買辦木鐵等料如法造作匠役於預備倉每名驗日支給口糧一升五合起撥無馬軍士借倩屯田空閑舍餘輪班修築其築堡占用屯田地畝有糧地土於別項無碍地內照畝易換撥給該用防守軍士三百名查照先准兵部咨該南京浙江道監察御史喬英奏本部議擬

題准移咨各邊巡撫都御史轉行所屬衛鎮守巡等官  
但有額缺正軍清勾補伍其舍餘軍餘果有年力精壯  
通曉武藝情願竭忠報效之人查照各邊軍丁收操事  
例量給月糧隨宜選用操守有功一體陞賞事例委官  
前去該城公同守備官如數召募舍餘軍餘候築堡蓋  
房完日安插居住收支月糧缺少盈甲什物官庫查給  
該用把總管貼隊官旗另行推選管理約束操守防禦  
騎操馬匹照常估買給發外緣係安設兵馬防禦外患

以明烽堠以固地方事理開坐具本專差謹具題知嘉  
靖十三年十月十七日



苑洛集卷十三

欽定四庫全書

集部

施洛集卷十四

詳校官庶吉士<sub>臣</sub>李如筠

中書<sub>臣</sub>劉源溥覆勘

總校官原任中允<sub>臣</sub>王燕緒

校對官中書<sub>臣</sub>溫汝适

謄錄監生<sub>臣</sub>歐陽愛

欽定四庫全書

苑洛集卷十四

明 韓邦奇 撰

議處通敵要堡以遏敵患以衛地方事

欽差提督鴈門等關兼巡撫山西地方都察院右副都御史臣韓邦奇謹題為議處通敵要堡以遏敵患以衛地方事臣會同鎮守山西副總兵閱視邊關至八角堡地方看得本堡東去寧武關九十里南至鎮西衛一百

四十里西至偏頭關九十里北至老營堡九十里乃適中用兵之地正衝大同西路平朔奶河堡收麥川一帶敵人入來之路又蕪地方不甚險隘敵騎可以長驅昔年大敵南犯屢由本堡出沒於嘉靖四年設立守禦千戶所改撥並召募官軍共計額數一千四百員名添設守禦指揮一員操練兵馬修理城池保障居民緣自立所以來其守禦官員未經奏請止是暫委空閒指揮署管彼因責重任輕又且更調無常以此兵將不識威令

不行事務掣肘人心懈怠軍伍日漸消耗邊備每見廢弛況本邊武職官員甚少管隊等職皆係旗軍雖百戶亦無其守禦指揮皆是腹裏衛分坐委是以戰陣不諳怯懦無用徒擁虛器寄空名而已臣等議照宣府地方如新河新開等堡官軍不過三四百員名又無衛所亦設守備一員管理今本堡官軍一千四百員名又有守禦千戶所在內似應比照新河等堡設立守備一員專管如蒙勅下該部再加議處如果臣等所言可采於邊



衛推選堪任守備二員奏請簡用前來管理庶乎職專  
任重人心畏服而敵患可遏地方亦可少賴矣緣係議  
處通敵要堡以遏敵患以衛地方事理未敢擅便為此  
具本專差謹題請旨嘉靖十五年正月十一日

添擇緊要縣分官員以備地方事

謹題為添擇緊要縣分官員以備地方事據山西布按  
二司守巡冀寧等道左參政等官高叔嗣等呈稱照得  
山西地迫北境連盡三關屯兵儲糧防據要害所屬繁

峙縣附近鴈門敵人游騎往年常牧城下縣人尚能言其處實係緊切地方謹查諸司職掌各縣若不及二十里長者裁減縣丞主簿繁峙縣一十九里設知縣典史各一員固國家定制但該縣比與他裁減地方不同各道會議得前事相應奏處該縣可添設縣丞或主簿一員管理一應糧草以備缺官掌印及別項調遣警急應用為便利如蒙軫念地方乞為奏請定奪施行具呈到臣議照繁峙縣當鴈門迤東一帶山隘周圍數百里其

東北境內為關者一曰平刑寔乃山西之咽喉中國之樞紐若敵人異謀大舉圖入中國必由此途苟得人以守之不惟可以為山西一省之保障亦可以為天下之藩籬矣其北為隘口者四曰北樓口曰大石口曰小石口曰茹越口山皆壁立石多崇竦所謂一夫當關千人莫敵者是也又為巡檢司者三曰北樓巡檢司曰平刑巡檢司曰茹越巡檢司各設官吏弓兵以備非常且有各處民壯輪流上班常川防守又為驛者一曰沙澗其

偏頭寧武鴈門及陝西延綏等處公差人役往來經由  
絡繹不絕況本縣境內地有遺利民有餘力田多膏腴  
人復純實故太原府言上等縣分必以繁峙雖止設有一  
十九里然其險則為阨塞之處其地則為富庶之區  
其途亦為衝要之所若得豪傑之士掌而治之則巍然  
雄鎮豈特為大縣而已哉顧以里長限制止設知縣典  
史各一員中間一遇各官丁憂陞調革職緣事等項事  
故則政皆委之吏胥再照該縣知縣又往往多以監生

及各處才力不及人員除調舉人出身者甚少進士出身者絕無是以平居無事則錢糧之徵解欠明詞訟之枉抑蝟集境內之地利未興行旅之支應告乏而兵壯人等往往逃避脫役若遇一旦警急其不足以為禦外捍內之倚仗可知矣誠有如左參政等官高叔嗣等所呈如蒙勅下該部如果臣等所言可采合無將該縣添設縣丞或主簿一員分理縣事及備缺官署印仍選擇進士中強幹有才力者一人選為知縣如此則數年之

間整理教養足食足兵禦外捍內之備修而卒然之變  
可保無虞矣緣係添擇緊要縣分官員以備地方事理  
臣等未敢擅便為此具本專差謹題請旨嘉靖十五年  
三月日

惡逆攢害尊長構賊殺死多命賄官枉法故勘肆  
獄淹禁生靈乞恩差官急救以伸大寃以決久訟  
等事

謹題為惡逆攢害尊長構賊殺死多命賄官枉法故勘

肆獄淹禁生靈乞恩差官急救以伸大寃以決久訟等

事據山西按察司等衙門署印副使等官呈會問得犯

人李儒招年

云

等因具招連人參呈到臣簿查先節該

前巡撫山西右僉都御史案驗為查理告人下落事又

據慶成王府校尉金漢告為因姦毆死人命久禁屍親

不得伸寃事又據該府儀賓李儒具狀令家人李保兒

抱告為勢惡攻圍住宅射死人命買使投充刀徒捏詞

裝陷苦主事又據李儒具狀令李保兒抱告為勢惡謀

領羣賊射死人命買通讐豪家丁扶同攢害姦謀將軍  
違例出郭囑誣苦主等事俱經批行山西按察司究問  
明的具招詳奪間續准都察院咨該慶成王府革爵鎮  
國將軍奇瀝同男輔國將軍表楸表枕奏為惡逆攢害  
尊長構賊殺死多命賄官枉法故勘肆獄淹滯生靈乞  
恩差官急救以伸大寃以決久訟事又據該府鎮國將  
軍奇澣令家人王保兒抱告為極惡庶人累犯不悛招  
賊劫截坐守分賊刃傷親兄劫出獄囚嚇打民財違法



等事又據奇瀝訴為姦豪賄囑主文改易供詞故陷無辜冤抑等事又據陝西咸寧縣人任山西太原府同知郭鏗男郭芹訴為素惡讐誣職官事又據巡按山西監察御史會稿奉都察院巡按山西八千四百八十一號勘合亦該奇瀝奏為懇乞天恩哀憐孤苦稔惡讐陷願隨祖居避毒害全恩義以免大難事又奉都察院巡按山西八千六百二十六號勘合該慶成王府荔蒲郡君儀賓李儒具本令姪李廷寶抱奏為讐惡將軍糾領賊

黨擅用弓箭射死人命反捏虛詞攢害苦主乞恩以伸  
冤抑事又奉都察院巡按山西八千六百三十二號勘  
合該奇瀝同男輔國將軍表檄表柁前奏為惡逆攢害  
尊長搆賊殺死多命賄官枉法故勘肆獄淹禁生靈乞  
恩差官急救以伸大冤以決久訟等事又奉都察院巡  
按山西八千六百四十二號勘合該已故慶成王奇湏  
妃侯氏奏為謄錄敗倫庶人朦朧奏討冠帶紊亂成憲  
事又該奇瀝同男表檄表柁奏為肆惡逆搆強賊殺死

人命賄貪官害尊長乞天恩彰大法殄元兇雪冤抑以  
息久訟以免釀成大變事行間又准都察院咨又該奇  
瀕奏為賊姪殺死多命攢謀屈陷尊長屢奏未得公勘  
死生抱負大冤懇乞天恩比例差官急救焚溺以明大  
獄等事又准都察院咨該慶成王府鎮國將軍奇瀚具  
本令家人王保兒抱奏為大肆黨惡招聚強寇劫掠殺  
人坐守分贓刃傷親兄謀劫獄囚貽害地方等事俱經  
會行該司併勘從公虛心鞫問明實干礙應參人員一

併招參以憑覈實會奏施行間又該前巡撫山西左僉都御史批據太原府同知郭鏗呈為懇乞致任暫准回籍仍候聽結久案以便下情事又據郭鏗呈為挾讐誣奏已經勘明牽滯不結先乞摘發以便下情事又據汾州申蒙本院批據竒瀨具狀令家人小計兒抱訴為乞明訪察善惡查究先後供詞辯雪讐冤誣枉等事又據山西按察司分巡冀南道呈繳前巡撫山西右副都御史批據汾州衛申為鎗劄親兄乞驗傷捕羣賊以安地

方事及竒澣令家人張汾州抱告亦為前事及前巡撫山西右僉都御史批據汾州衛申稱竒澣令家人小周兒抱告為豪姪挾讐打死孀母措謀父傷遮飾罪犯事竒澣令家人王保兒抱告為惡弟率賊持鎗劓傷親兄事竒澣又令家人小周兒抱告為黨惡糾賊謀害親叔殺死二命激變地方事李儒令家人李廷住抱告為讐兇聚賊搶剽事又據汾州民任長壽告為勢豪將軍挾讐裝誣良善賊情屈禁親隣家口急救生命事各該告

詞繳報前來又該奇澣夫人宋氏具狀令家人金保兒  
告為擅放屢卷強賊故陷人命氣死親兄淹滯冤抑等  
事奇澣告為惡逆不孝烝姦庶母爭分家財氣死親父  
聽信儀賓宿娼酗酒率領羣賊欺毆尊長乞究以免患  
害等事續又准都察院咨該慶成王府已故鎮國將軍  
奇澣夫人宋氏具本令汾州兒抱奏為蓋世逆弟挾讐  
劄死兄長勢致強賊脫獄嚇陷人命乞恩辯明冤苦急  
救生靈等事內稱臣夫不甘奏行一本為敗倫傷化革

職庶人不改前非故違祖訓招集兇徒劫財放火謀殘  
骨肉虜掠強淫逼死人命罪惡滔天乞除冤害事一本  
敗倫庶人冒封子祿挾讐刃傷親兄窩賊劫財謀死數  
命激變地方懇乞天旨差官懲首惡掃餘黨以正祖宗  
成法事行間又准都察院咨又該慶成王府革爵鎮國  
將軍竒瀧具本令家人小郭兒抱奏為兇梟惡逆不孝  
不義不道不睦烝淫庶母多分家財氣死親父鴆弟姦  
妹殺人害叔懇乞天恩明正誅戮以警風化以除大患

事又准都察院咨亦又該奇瀾奏為酷虐貪官受財枉法故禁平人致死故入宗室賊罪事發脫逃冒任京職乞恩祛究以警欺誑等事又准都察院咨該戶部廣西清吏司員外郎郭鏗下義男郭芹奏為讐害問官嚇詐未遂不遵勘明成案添捏前詞覆行奏擾乞賜矜察以警稔惡以息刁風事俱該本院覆題查得奇瀾等節次奏詞已行撫按會勘未報本院欲候命下仍咨巡撫都御史會同巡按御史查提先今奏內人犯逐一作急



勘究明白如果干礙郭鏗一併參奏議擬施行等因題奉聖旨是欽此欽遵備咨前來節經會案並批行該司掌印官會同都布二司掌印官逐節從公鞫問明實連人招叅詳審續據該司看得各項奏告頭緒多端事體頗大議呈欲委太原府知府張承祚平陽府知府李櫟親詣汾州勘問緣由到臣又經批仰該司依擬委用期在完結去後今據招叅解繳前來會同巡按山西監察御史公同三司各掌印官一一細加研審俱無異詞除

批行各官將犯人李儒監候明文至日施行小周兒劉  
釗等定衛發遣王達等依擬發落金漢冀璠等各奏告  
人命撥置等情仍聽守巡道歸結未獲強賊晏倫等行  
州衛巡捕官緝拏未到俞賢等並本省故關巡檢司官  
吏嚴提問結其鎮撫等官李棠等行令聽叅外看得慶  
成王府革爵庶人竒瀝心比蛇虺更多機變之智性如  
狼虎尤有奸巧之能招羣小為爪牙任從撥置捐一身  
為城社大肆兇殘以嚇詐為竒謀逞鬪訟為美事逼財

害命窩盜殺人凌問官劫罪囚恃勢難以收舉包樂婦  
侵官地違法不止一端劄傷親兄更何有於倫理捏誣  
親姪實無異於仇讐撫拾勘官肆為虛誕驀越赴奏實  
犯條章昔罪已懲前非不改今不重治後豈能悛輔國  
將軍表檮表桐表樛健訟好鬪全無禮讓之風聽誘為  
非罔知法律之禁包樂婦而姦占自比娼優收棍徒以  
劫財何殊盜賊表檮平民被其打嚇尚延調于追賊表  
檮告叔亦有虛誣且買屍以圖賴又與表檮服中挾妓

作樂忘哀輔國將軍表檄敢肆兇暴毆打公差與奇瀝  
表樣等節次乖違俱不遵乎祖訓親屬構害實有玷于  
宗藩叅照山西都司汾州衛把門鎮撫李棠門禁是司  
稽察不謹以致宗室擅出封城該衛巡捕指揮王壽敢  
受賊盜之財而公然賣放又與掌印指揮張文愷均有  
地方之責而全欠關防慶成王府武陽郡君儀賓郭經  
本因恐嚇頭畜添誣劫奪重情該府署教授事典仗衛  
玘明知捏誣不行啓復及至檢舉又增虛詞俱屬違法

律合提問再照竒瀝奏稱表櫟與高要郡君通姦又將父妾王氏薛氏表櫟將春梅表槽將來喜各烝淫竒澣奏稱竒瀝與六合縣君通姦儀賓葉繼重氣身死俱干宮闈呂氏王氏二屍亦在竒瀝府內外人難以進入必須內臣體勘方得明白合候命下行晉府長史司備由啓王特差承奉一員親詣汾州會同該道守巡官勘問庶事可結絕不致後詞緣竒瀝表櫟表桐表櫟表檄俱宗室郭經係儀賓張文愷王壽李棠俱軍職衛玠係王

府官李儒係行止有虧儀賓例應奏請發落及係惡逆  
攢害尊長構賊殺死多命賄官枉法故勘肆獄淹禁生  
靈乞恩差官急救以伸大寃以決久訟等事并節奉欽  
依事理臣等未敢擅便為此具本專差謹題請旨嘉靖  
十五年三月日

下情激切懇乞天恩願辭料價早賜夫匠修理府  
第以全母子居處事

謹題為下情激切懇乞天恩願辭料價早賜夫匠修理

府第以全母子居處事據山西布政使司呈原議合用夫二千五百名匠七百二十名分派澤沁二州并本府各屬縣分共計一千三百一十餘里每里夫匠二名半每日工食銀夫三分匠五分該州縣拘點齊備差委合屬官一員管領赴工中間若有願出銀雇覓者聽令交收在官給付委官領解工所雇人替當等因已經申報今蒙行勘但原議夫匠若使解人則夫匠之更番不便官司之撥遣亦煩且工久人怠不無逃竄之虞若使免

差則將夫匠之雜差盡歸貧難之下戶且日久差繁不  
無靠損之累是解人不如解銀免差不如不免之為便  
也其原議夫匠每里各出二名半雖若相應但里分有  
大小人戶有貧富若概令照里出派亦似未均合無行  
令各州縣掌印官查照賦役文冊酌量三等九則分派  
前項工食銀兩中間里大而富戶多者量為加增里小  
而貧戶多者量為減少每年通融均派陸續徵完解赴  
本府貯庫就近雇倩夫匠解發管工官處著役仍委本



府佐貳官一員不時查點不許管工官作弊賣放如此  
庶重輕易舉而民無偏累事有稽查而工可就矣及照  
府第宮殿廂房門樓并燒造瑠璃甃瓦築砌牆垣等項  
工程浩大若以五年或恐過多而民力不堪若以三年  
似乎太少而工難就緒今定擬四年為期庶民不甚勞  
而工得早完通呈照詳蒙巡撫山西右副都御史批  
據本司呈前事蒙批以三千之夫匠共四年之工役是  
三千壯丁四年失業中間逃亡事故勢所必有議擬徵

解工銀足見為民為事之意但本省地方近年以來屢遭災傷兼以徵科繁重今又益以是銀不惟民力不堪抑且追徵難完則民有實勞工無實濟抑再議處別有良便之法呈來具奏繳蒙此案照已經該道勘議前來通呈詳奪去後今蒙前因議照修理府第料價夫匠皆不可缺已經守巡等官估計合用料價銀五萬四千餘兩夫二千五百名匠七百二十名藩王乃灼見時艱深恤民隱辭免料價止用夫匠今該守巡道會議前來欲

將潞安澤沁府州縣分概里均派工食銀兩雇倩夫匠以四年為期夫三千夫匠不為不多四年為期不為不遠倘處置失宜則王府無落成之期有司吏胥恣別項之弊況前項地方累經災傷近頗豐稔而祿糧邊餉自十年以來逋欠數多一時併徵急於星火小民破產賣兒以應官司殊不聊生今再加以此役則一府二州之民無一里而不應役無一人而不應役其為負累尤為繁重雖議徵銀比之應役頗為便利但州縣之吏胥緣

以為奸嗣歲之豐凶難以預料倘致小民逃竄徵解不前不惟有誤工程抑且貽憂地方誠有如本院之所慮者相應議處合無將本司并所屬各庫無礙銀兩通行查出務湊十萬兩之數本年先解四萬兩以後十六年十七年十八年每年二萬兩差官徑送本府長史司交割責令雇倩夫匠與本府旗校人等相兼做工等因備呈到臣簿查先據山西布政使司呈前事已經批議去後今據前因會同巡按山西監察御史看得布政司呈

稱要將本司并所屬各庫無礙銀兩通行查出務湊十萬兩之數本年先解四萬兩以後十六年十七年十八年每年二萬兩差官徑送本府長史司交割責令雇倩夫匠一節無非期大工之早成寬里甲之出辦謹作事之流弊體皇上親卹之義擴賢王愛民之仁不為無見既經該司勘議前來相應奏請如蒙勅下該部再加查議合無將布政司并所屬各庫無礙銀兩通行查出務湊十萬兩之數本年先解四萬兩以後十六年十七年

十八年每年二萬兩差官徑送本府長史司交割責令  
雇倩夫匠與本府旗校人等相兼做工事完之日通將  
做過工程用過銀兩買過物料各數目造冊奏繳查考  
如此庶工料得以有濟而府第早見其成小人亦免偏  
累之苦矣惟復別賜定奪緣係下情激切懇乞天恩願  
辭料價早賜夫匠修理府第以全母子居處事理臣等  
未敢擅便為此具本專差謹題請旨嘉靖十五年四月  
十六日

地方災異自陳不職嚴糾庶官以圖消弭事

謹題為地方災異自陳不職嚴糾庶官以圖消弭事嘉  
靖十五年六月二十九日起至本年七月二十四日止

節據平陽府稷山縣臨晉縣太原府五臺縣祁縣河曲  
縣石州靜樂縣清源縣沁州武鄉縣汾州介休縣孝義  
縣鎮西衛寧化八角寧武守禦千戶所各申稱本年五六  
等月日不等猛風大作驟雨連綿山水泛漲致將地方  
軍民所種夏秋田苗俱被淹沒無存稷山縣及稱各家

房屋倒塌民人樊月等淹死衣服器皿頭畜猪羊等物  
被水漂沒臨晉縣及稱峨嵋坡水泛漲將北門并城牆  
衝開五百餘丈擁入城內水高約有丈餘致將居民周  
輕等房舍一千五百餘間穀麥家活等器并鄉村衝倒  
房牆壓死婦女馬氏等馬羸牛羊鷄犬無數及布按分  
司府治六房牢獄儒學兩廡官宅齋號等房庫樓倉牆  
養濟院盡行倒塌各房文卷泥壓破壞河曲縣及稱蝗  
蟲從西北飛來遮隱天日喫毀田苗石州及稱將民郭



永陳等房屋一百三十五間被水推沒介休縣及稱將民住房多有淹塌鎮西衛及稱蝗蟲從西空飛約長數十餘里從東北梁家坪等屯飛去寧化守禦千戶所及稱天池汾河狂水泛漲沿北關城牆填口頽傾五十餘丈水流不及城門塞滿梁口進入關廂南平等屯漂去人口軍餘賈伏胡興王政等房屋衣糧漂毀數多八角守禦千戶所及稱溝渠平地淤漫田禾孳畜無存蝗蟲從本所地方北甘河等處寬約三十餘里長約四十餘

里遮天隱日喫田十無一二寧武守禦千戶所及稱蝗  
蝻將太原前衛虎北屯太原左衛麻峪等屯并本所三  
岔溝屯田苗喫毀又據嵐縣申稱本年七月十三日蝗  
飛遮天落食田稼一空興縣申稱蝗蟲經過苗稼俱被  
喫傷不得秀實各等情緣由陸續具申到臣看得前項  
災傷係干民瘼重事除行山西布政司委官分投踏勘  
明實另行具奏續據平陽府蒲州申稱將南北二鄉欠  
糧十圖人戶拘集東馬房立大比較間於本年六月二

十三日午時分忽有暴雨如注將馬道高牆淋漓牆根浮動房屋一齊傾倒當即搬救內有打傷者一十五名打壓身死者二十六名等緣由亦申到臣看係變異仍批行該州死者賞給埋葬傷者亦給醫藥經該官吏另行外卷查本年六月內先為天鼓鳴響事續為災異事將天鼓鳴響水雹打傷禾稼大水淹沒死傷人畜等情已經二次具題訖今據前因為照山西一省數月以來天鼓鳴水雹降霖雨作蝗蟲生其災異可謂重且數矣

除行都布按三司并府州縣衛所等衙門大小官員痛  
自修省以圖消弭外臣聞之天人之際相為流通感應  
之機有如桴鼓故和氣致祥乖氣致異人事所召天道  
弗僭此固必然之理也臣又聞之洪範庶徵隨分省驗  
職任有崇卑休咎有大小日月有久近地方有廣狹各  
有所屬理不容紊臣為山西巡撫官今山西地方災變  
累見感召之由其咎在臣緣臣才本凡庸加之衰病雖  
葵藿之心徒勞效竭而駑駘之質驅策不前待罪巡撫

年餘以來尸素日深負乘無補人事有缺災變斯應臣  
不任其咎而委之誰哉伏望皇上將臣特賜罷黜別選  
賢能以充任使再照山西地方有司官員其庸劣貪懦  
職業不修之人比之他處特甚一事之小動經歲時一  
訟之微動費十百理斷不公冤抑不理強凌衆暴者益  
肆姦傾術擠者日滋兼以撫字失道徵派無方貧難之  
人無以自伸弱者舉家逃亡强者草竊行劫鬱結之氣  
積而為災合無勅下該部再加議處行巡按御史比常

嚴加考覈將各官不職實跡具奏一體罷黜庶幾災變可弭而地方有賴矣緣係地方災異自陳不職嚴糾庶官以圖消弭事理為此具本專差謹題請旨嘉靖十五年七月二十九日

### 倉糧事

謹題為倉糧事據山西布政司等衙門左布政使等官呈稱據太原府申據本府大盈倉手本開稱本倉宇宙廩不堪穀二千二百四十石玄黃廩不堪穀一千一百

八十一石三升七合八勺二抄信字廩不堪穀一千五百五十八石五斗寒字廩不堪穀三千九百七十石閏餘廩不堪雜糧穀一千四十三石五斗小麥一十石黑豆四十一石五斗緣由到府轉申到司案查先抄蒙巡撫山西地方都察院右副都御史案驗據太原府知府揭稱親詣大盈倉將廩內收貯各年積穀上而去皮下而至底於中取出一斗當面舂簸止得米一升一合累舂皆然令人作飯食驗味苦難食備由案仰本司即便

會行糧儲道并都按二司掌印官將前項倉穀逐一從  
長計議作何處分期為良便通將議處過緣由呈報等  
因蒙此已經行查去後今據前因會同本司掌印左布  
政使右布政使糧儲道右叅政按察司副使都司都指  
揮僉事議照前項倉糧積貯年深兼以地氣上升雨澤  
下濕鋪墊無法曬晾非時以致陳朽不堪一至於此所  
據經手人員本當追賠但年遠事故無憑提究失今不  
處後將益甚今知府舉以為言相應亟處合無候詳允



日仍行太原府管糧官吊取該倉節年廩經卷簿到官  
逐一通查明除近年堆積堪用外其餘前項陳朽不  
堪者盡行搬出曬晾扇簸潔淨盤驗見數要見陳朽若  
干堪用若干另廩鋪墊如法收貯每遇支放軍糧之日  
搭配放支及將巡撫衙門并司府衛縣等衙門官吏月  
糧通行搭配庶不至於薰蒸概壞但倉穀數多事體重  
大必須奏請庶可施行緣蒙案仰從長計議作何處分  
事理各職未敢擅專擬合會議通呈為此今將前項緣

由呈乞照詳施行等因會呈到臣卷查先據太原府知府揭帖前事已經案行山西布政司會同糧儲道并都按二司掌印官從長計議處分呈報去後今據前因會同巡按山西監察御史議照所呈前項倉糧委因積貯年深兼以地氣上升雨澤下濕鋪墊無法曬晾非時以致陳朽不堪一斗春簸止得一升一合失今不處將來陳朽日甚一日皆至通為灰塵是以有用之物盡致之無用之地矣再照該倉經手人員法當追賠委皆年遠

事故無憑查究如蒙勅下該部再加查處合無行令太  
原府管糧官弔取該倉節年厰經卷簿到官逐一通查  
明白除近年堆積堪用外其餘前項陳朽不堪者盡行  
搬出曬晾扇簸潔淨盤驗見數陳朽若干堪用若干陳  
朽者開除堪用者另厰鋪墊如法收貯每遇支放軍糧  
之日酌量搭配放支及將巡撫衙門并司府衛縣等衙  
門官吏月糧通行搭配如此雖於原數不無有虧尚可  
存十分之一二不至薰蒸概壞盡為灰塵矣緣係倉糧

事理臣等未敢擅便為此具本專差謹題請旨嘉靖十五年七月二十九日

傳報大舉聲息事

謹題為傳報大舉聲息事嘉靖十五年九月二十一日  
據山西按察司分巡冀寧道帶管鴈門兵備僉事稟帖  
報稱偏頭關副總兵差夜不收報稱十七日敵人約有  
二萬餘騎從青糜子溝等處進邊到於老營堡地方岩  
頭寺下營離堡十五里副總兵盡率偏關馬軍十八日

到八柳樹堡下營離敵營二十里本道十八日二更時  
分奉到本院明文即夜發行三關并八角守備等官嚴  
加防守外等因據此本月二十三日又據太原右衛巡  
捕指揮稟帖報稱本月二十三日酉時蒙偏頭關傳總  
兵差夜不收李欽等報稱敵人約有四萬餘騎三股分  
行本月十七日虎頭墩放砲一箇總兵官守備領人馬  
前到地名高家莊迎見東山墩夜不收報說敵人約有  
二萬餘騎往南行至岩頭寺方城下營有老營堡坐營

指揮王言本日卯時分領人馬至營盤梁下營敵人約有三千餘騎與王言對敵間續到敵人約有一萬將王言人馬圍定總兵官差夜不收傳與王言每軍一名牽馬三匹步軍後排各拏鎗砲又傳與老營堡管新軍指揮領步軍策應王言總兵官又差夜不收三十名各拏火砲至黃家營放砲呐喊策應王言馬盡入堡步軍與敵人對敵奪下敵馬二匹總兵官八柳樹堡領兵前往老營堡策應後添平虜衛叅將右衛叅將共領官軍九

百員名合兵一處敵人哨見盡往西南去訖與岢嵐州相鄰其賊未回等因隨據太原左等衛把總指揮稟報蒙委本職統領人馬二十一日卯時到代州守備十九日未時起程有寧武關守備差夜不收傳報總兵官分付調取本城兵馬本日起程前赴偏頭關合營平敵衛朔州等處俱有大舉敵人傳放砲火不絕等情稟報前來又據代州守備稟帖報稱今有大舉敵人深入頭哨馬俱是先年叛軍引領深知地道墩堡下聲言要米段

布足適今在邊駐收要來深入南搶鴈門十八隘口委  
的缺人守把其見在操軍不足行伍秋班遊兵上班實  
難支持等因又准鎮守山西副總兵差夜不收齎執大  
同總兵官手本內開九月十四日據東路叅將差夜不  
收楊義口報十二日午時瞭報邊外西北來精兵銳卒  
約有二萬餘騎往東行走離邊約遠三十里據報得此  
會同巡撫大同都御史會議得北敵隊長小王子前次  
大舉入境搶掠被我兵馬敵退出邊今又舉衆復來南



侵勢甚難禦本鎮兵力寡少必須請兵聯合遏截歸路  
共圖成功等情手本前來調取本鎮遊兵前去接援等  
因亦報前來本日據寧武關守備差役不收報稱九月  
二十日敵人約有一萬往馬邑縣灰泉子朔州等處去  
訖二十一日敵人約有三萬餘騎往朔州馬邑縣圪老  
墰去訖二十五日又據鎮西衛指揮稟帖報稱九月十  
七日敵人由朔州邊入十九日前敵兵八騎至本衛離  
城六十里地名後子窪等處大營在於太原前衛小辛

莊等處其餘黨漫散於本衛右所大寨等處偶值天雨  
通宵不止未嘗大肆攻搶附近地方多無疎虞等因稟  
報前來二十七日又據太原左衛指揮稟帖報稱蒙委  
本職於九月二十三日到天門關二十四日帶領官軍  
前到地名鐵漏窪溝離關一十五里溝微窄處築石牆  
一處山頂上臨邊集石塊二十堆秤搭溝山上築石牆  
一處隨石牆下挑壕一處集石塊三十堆柞山岔小路  
四處天門關至凌井驛三十里俱石山溝通無斬削去

處二十七日帶領各軍前去梁壘夾驢石口等因陸續稟報到臣卷查本年八月二十八日先准鎮守山西副總兵手本為傳報鄰境重大聲息事八月二十四日該鎮守大同總兵官差夜不收楊雄傳報敵兵二萬餘騎拆邊進入紅寺兒灣下營本鎮遊兵調去朔州住劄但恐敵兵侵越三關地方兵力委的不支等情前來已經差人齎文前去巡撫延綏都御史處煩照兵部題奉欽依內事理將聽調官兵督發前來偏頭關防禦隨准巡

撫延綏都御史咨稱准鎮守延綏總兵官手本查得本鎮奇遊兵二枝兵馬俱蒙總制三邊軍務兵部左侍郎調往西路哨守定邊等營堡一帶地方所徵官軍無從督發等緣由前來臣恐大敵一時侵犯兵馬寡弱何以支持隨即移文副總兵如遇有警暫將禦冬黃河把總指揮所統兵馬調去防禦間本月十二日准鎮守山西副總兵手本及據三關遊擊呈各開稱本年八月二十四日巳時准大同總兵官手本將本鎮遊兵調去朔州

應援後與大同人馬合營分哨行至地名金家莊被敵將遊擊祝雄左小指右腿肚左肩甲俱砍傷重不能領兵況今大敵尚在鄰封乞要委官暫代遊擊祝雄領兵防禦各等情俱各稟報到臣看得本省三關山西所屬東路與大同渾源應州西路與大同朔州馬邑等處地方相為犄角山南兵力寡弱全恃渾應朔州馬邑地方以為屏蔽近日前項地方不可倚恃而本省山南地方承平無備恐大敵深入未免地方受害一面案行鴈門

兵備道三關八角守備官及岢嵐保德河曲代州繁峙等州縣各所屬地方俱要歸併堡舍預備器械銃砲多積輓石灰瓶等物防禦一遇有警各就收斂人畜堅壁清野一面行委都指揮使前赴老營堡代統遊擊兵馬選委都指揮僉事帶領官軍前去鎮西衛等處地方把總指揮帶領官軍前去代州等處地方指揮帶領官軍前去天門關等處地方各防守去後今據前因為照前項敵人自今年正月以來屢犯我邊或逐趕出境或斬

獲首級今乃於九月十七日大舉至邊深入我境東至繁峙縣地方西至鎮西衛五所大寨地方目今雖已出境而大營尚在朔州邊地住劄察其形勢及各官所報較之往年侵邊情狀頗異一枝入洪州地方以綴大同東路之兵一枝既入老營堡地方旋入復出以綴大同西路之兵使兩路之兵各自為救不能應援鄰封之師而大營則深入徑下五所大寨可以肆然出境而無邀截之患其為機謀亦深矣且調延綏應援之兵又却不

至再照本鎮極臨邊境兵孤將寡而外援不至況今敵計深密異常即今正係馬肥弓勁敵騎馳突之時彼敵人之性未必遽厭若再大舉深入其何以支哉伏望皇上軫念三關地方為中外分界重地勅下該部早加議處及行大同延綏援兵如遇敵人大舉深入三關地方隨即應援勿得自分彼此致誤邊事庶敵人入無搶掠之利出有邀截之患則我地得安彼勢亦挫不敢復為深入之舉矣邊方幸甚微臣幸甚緣係傳報大舉聲息



事理未敢擅便為此具本專差謹題請旨嘉靖十五年十月初一日

來降人口傳報聲息事

謹題為來降人口傳報聲息事嘉靖十五年十月初六日據守備寧武關地方以都指揮體統行事指揮使稟帖報稱本年十月初四日巳時據朔州南窯子長哨夜不收傳說平虜衛來降敵人說大舉敵人在大邊黑石崖駐牧各殺牛羊整理鋤耰熟食要搶南邊地方等因

稟報到臣看得所報前項強敵先次大舉擁衆深入我境仰仗皇上神威遠布敵退出邊今又復謀入邊雖敵情難測聲東擊西未必即來然敵人之意在乎并吞況先次累入未經敗挫其氣頗驕復來之舉難保必無且各殺牛羊整理鋤耨熟食似有攻它城堡之意況先次延綏援兵預調不來而大同援兵亦復未至倘若一時深入而三關兵力寡弱其何以支如蒙勅下該部再加議處合無行文大同延綏撫鎮官員敵果大舉入邊三

關本鎮調取兵馬各督發聽調奇遊等兵星夜兼程前來偏關住劄隨敵聲勢應援截殺若或敵勢衆大深入久住聽臣亦調宣府遊兵應援庶邊鎮有賴而地方無虞矣緣係來降人口傳報聲息事理未敢擅便為此具本專差謹題請旨嘉靖十五年十月初七日

請官專管庫藏以便收放防革奸弊事

謹題為請官專管庫藏以便收放防革奸弊事據山西太原府代州知州申照得本省先年稅糧徵派本色本

州原設監收同知一員經收邊儲等倉場糧草正德十年間奉布政司明文會議得平陽太原二府澤潞等州縣稅糧馬草坐派三關各營堡折收價銀解司差官類解兵備道案發本州因缺監收去任知州代收出給通關銷繳銀兩聽候三關并振武衛官軍月糧料草之用嘉靖元年以後監收同知管理收放中間多有吏員出身往往因事問革被盜皆因職微官卑人心不服及查得每年解到糧草價銀三十餘萬兩每月三關支放一

萬七八千兩有之二萬兩有之見今該積銀三十一萬  
餘兩況本州相離偏頭關并各營堡路途四百餘里寧  
武關一百八十餘里鴈門關四十餘里每月差委官旗  
赴州支領錢糧甚是不便況係邊餉重務為照大同庫  
藏設有部官今本州監收同知官小力難支持錢糧重  
大亦與大同事體相同查得寧武關先年設有官庫專  
一貯放糧價合無將本州原收三關錢糧乞改本關適  
中地方比照大同事例奏請部官一員職專管理防革

奸弊庶使官軍支給兩便錢糧不致疎虞緣係邊儲重大事理卑州未敢擅專擬合就行為此今將前項緣由理合具申伏乞照詳施行等因具申到臣看得代州知州申稱本州設有監收同知專管收放三關各倉場糧草價銀每年三十餘萬兩節年監收同知任內往往被盜問革皆因職微官卑人心不服及要改設寧武關適中地方比照大同事例奏請部官一員職專管理防革奸弊一節不為無見但事干改設監收軍餉重務會案

行據山西布政司等衙門左布政使副使都指揮僉事  
會議呈報與前相同議照將勇兵強而後邊疆可寧士  
飽馬騰而後兵威可振故足食足兵王政之要而不可  
有所偏重也昔有漢之興蕭何不絕餉道至與韓信並  
稱為傑而我國家防邊禦敵凡有大兵重鎮如宣府等  
處皆有郎中總督軍餉親自收支時有大警往往又以  
大臣督餉如近年大同之變總制軍務則兵部侍郎總  
督糧餉則戶部侍郎司糧儲之官顧不重哉今山西三

關之地偏頭關有副總兵老營堡有遊擊將軍守備而  
下衛所關城營堡并黃河禦冬官軍三十餘處及二府  
五十餘州縣修守民壯又數千餘名歲辦糧銀三十餘  
萬兩而總司之者一代州同知耳又往往多吏員出身  
及年老之人前項糧銀皆其自收自放是其司兵柄者  
則比之宣府等處亦甚重而司糧儲者比之宣府等處  
為太輕矣夫以卑官下品之人而司重利彼其日暮途  
阻中間虛出高收被挾聽囑自守且不能矣況夫重利



所在大弊從之其豪強勢要之包攬衛所司隊之扣剋  
積年奸書之侵索肆溢百出彼又何以能禁之哉故其  
官往往多不能以自全或既罷官猶守支數年新官無  
肯接管者知其利重弊多先已扣剋其餘矣況偏頭關  
老營堡在本省極西北之隅而代州在本省極東北之  
隅相去數百餘里而寧武關則在適中之地城中舊有  
庫藏其公館數處亦頗宏大比之他州縣不同若於此  
處住劄收放則各官關領銀人員甚為利便誠有如代

州知州所言及山西布政司等衙門左布政使等官所  
議者如蒙勅下該部再加議處合無比照宣府等處事  
例稍加低昂差主事一員奉勅管理親自收受各府州  
縣解到價銀并勘酌本折坐放各衛所司隊官軍俸糧  
草料及因時因地酌量主客兵馬糴買糧料草束稽察  
姦弊或給批前來三年改選其代州同知查照偏頭寧  
武二關同知事體遇有部官坐到本處倉場糧料草束  
收放如此則姦弊可革豪強可禁錢糧不至缺乏而邊

兵有賴矣緣係請官專管庫藏以便收放防革姦弊事  
理臣等未敢擅便為此具本專差謹題請旨嘉靖十五  
年十月初十日

大舉聲息事

謹題為大舉聲息事嘉靖十五年十月十九日酉時准  
鎮守山西副總兵差夜不收報稱本月十五日敵人二  
萬餘騎從平虜井坪至朔州前後寨劄營十六日開營  
由溫嶺灰泉梁水溝三股頭兒過神池土棚至義井坪

下營十七日早起營由大辛莊等處擡營徑往西南去  
訖偏關老營堡兵馬十六日午時到八角堡合營不滿  
四千員名支糧料襲敵尾當差火牌夜不收調大同兵  
馬未至待敵兵分散開營搶擄再報在野人畜已二日  
前收斂盡入堅固堡寨等因具報到臣卷查本年八月  
二十九日先為傳報鄰境重大聲息事已經差人齎文  
前去延綏巡撫衙門請調兵馬聞本年九月初十日續  
為哨探聲息議調鄰兵預防寇患事將敵人近邊兵馬

不敷議調援兵等情具題并差人齎文延綏大同各巡撫衙門請兵俱未督發前來本年十月初一日又為傳報大舉聲息事將敵人入境援兵不至等情備本具題本月初六日又為來降人口傳報聲息事已將來降敵人傳說大舉敵人在大邊黑石崖駐牧各殺牛羊整理鉞鏹熟食要搶南邊地方攻它城堡等緣由具題及又調取兵馬間本月十八日止准巡撫大同右副都御史咨稱遊擊將軍統領本部兵馬前去朔州聽候應援等

因回咨到臣兵馬亦未到鎮臣會同副總兵葉行鴈門  
兵備僉事轉行三關守備等官將沿邊一帶地方緊要  
城堡修築城垣隘牆挑挖壕塹坑窖并分布步軍民壯  
各嚴謹防守及預為收斂人畜堅壁清野其腹裏地方  
臣會同巡按山西監察御史備行司府州縣修城池築  
堡寨操民壯嚴保甲操舍餘防隘口謹烽堠脩戎器發  
火器動錢糧嚴號令明賞罰防禦外今准前因臣已會  
行副總兵與遊擊所統兵馬合營隨敵向往追襲行令

各城堡守備各守疆域防禦截殺其腹裏要害去處行  
委都指揮張源統領寧武關下班官軍前去靜樂等處  
按伏截殺指揮於信統領太原三衛隨操餘丁前去天  
門關防守指揮李承祖統領馬步官軍前去忻口等處  
按伏遏殺以備不虞切緣北敵近日以來累次大舉深  
入形勢異常臣嘗三次具題上徹宸覽兩次告急調兵  
鄰封荷蒙聖恩累次勅下該部查議亦蒙本部酌量緩  
急處置周詳其鄰封援兵今竟不至即今敵人率其徒

衆直至大辛莊等處擡營南下與靜樂縣地方相近倘  
乘虛深入腹裏地方承平日久人不知兵為患非輕而  
本鎮兵孤將寡委難支抵伏望皇上軫念邊方重地勅  
下該部再加議處合無行文大同延綏鎮撫官員作急  
督發奇遊等兵星夜兼程前來隨敵聲勢應援截殺如  
或敵人深入久駐查照臣先次具題許臣亦調宣府遊  
兵應援庶敵人少挫不敢肆然而入邊鎮有賴而地方  
可保無虞矣緣係大舉聲息事理為此具本專差親齎



謹題請旨嘉靖十五年十月二十日

十分緊急重大敵人累次深入攻圍城堡事

謹題為十分緊急重大敵人累次深入攻圍城堡事嘉  
靖十五年十月二十一日卯時據寧化守禦千戶所署  
印千戶丘山稟帖報稱本月十七等日敵人不知其數  
從寧武關支鍋石口等處進入搶掠十八日寅時分約  
有三千餘騎到於本所城北一股四散各屯村搶掠殺  
人放火一股東北攻圍城池墩臺本所署印千戶丘山

隨即督率官軍舍餘并鄰城居住靜樂縣民人上城分撥四面各用弓矢器械火砲石頭砍打至本日申時分方纔退回離城八里石佛屯大舉敵人住劄放火燒房搶擄人畜等情本日戌時又據偏頭關守備楊璲稟帖報稱本月十七日午時分據原差平寇衛傅事夜不收段三稟稱十六日本城走回人口來說邊外還有六萬敵兵十七八要搶山西本月二十二日又准副總兵差夜不收武剪兒口報大舉敵兵不知其數前後聯絡三

十餘里深入鎮西衛地方往西南去訖各等情稟報到臣看得前項敵人近來糾集徒衆累次大舉深入本年八月二十五日越過大同鎮渾源應州廣昌等州縣及過界山直入繁峙縣地方九月十八日越過老營堡偏頭關八角所等處直入鎮西衛伍所大寨地方十月十七日又從平虜井坪朔州由溫嶺灰泉梁水溝過神池土棚義井至大辛莊直至靜樂縣界至寧化所攻圍城堡今又糾合大衆前後聯絡三十餘里深入鎮西衛地

方西南去訖為照前項敵人先年固有深入之時然皆  
數年一至旋入即出未有如近日前後不三月間四次  
深入而每入動則數萬至於今次之入敵營聯絡三十  
餘里勢甚浩大而攻城放火大異尋常且敵既入鎮西  
衛地方則長驅南下無復武備腹裏地方承平日久人  
不知兵孰能為之支抵正使敵無他志得利即回又安  
知既去不即復來而本鎮兵孤將寡副總兵及遊擊將  
軍合兵不過四千餘員名累調鄰兵匹馬不至而敵勢

浩大如此雖使豪傑之士遇之寡固不能以敵衆一固不能以當百而況臣等凡庸之輩哉臣事在剥膚心誠危懼伏望皇上軫念民命至重地方可虞十分急迫勅下該部早加議處查照嘉靖十二年宣大重大聲息事例調發遼東延綏遊兵各一枝前來聽臣及副總兵調用事寧各歸本鎮或照臣近日節次具題調大同延綏遊兵應援及敵久住深入亦調宣府遊兵庶敵人少挫不敢再為深入之舉矣邊方幸甚微臣幸甚緣係十分

緊急重大敵人累次深入攻圍城堡事理為此具本專差親齎謹題請旨嘉靖十五年十月二十三日

風憲官員患病危迫事


謹題為風憲官員患病危迫事據山西按察司分巡河東道兼理兵備僉事王世隆呈據河東運司經歷司承准使司照會切照巡按山西等處監察御史沈鐸自巡按河東徧歷蒲解二州猗氏等十二縣清審鹽丁除革奸弊因風土不宜飲食不節遂起痰嗽寒熱之疾藥石

罔效近來前疾愈甚況舊有怔忡腸風痔漏等症不思飲食日見本官病勢狼狽不敢隱默況漕政係干邊儲事關三省不可一日缺官合行照會本司即便轉呈施行等因到道為照本院自接臨河東本道亦嘗巡歷相隨親見本官委有前疾且今復作愈重誠難料理鹽法擬合呈報為此今將前項緣由理合呈乞照詳奏報施行等因具呈到臣看得所呈惟恐尚堪調理復差醫官李九思前去診看得本官委有前疾亦報到臣據此切

照巡按山西等處監察御史沈鐸自受命以來徧歷州縣清審鹽丁大小鹽政理處得宜風力丕著憲度克修人心畏懷地方仰賴正宜始終其事以荅羣望但委因風土不宜致成前疾況本官夙有怔忡腸風痔漏等症新舊之疾一時交作藥不即功體日以弱不能經理一切政務必須久於靜養方可望其生全如蒙伏望皇上軫念鹽政重務事關三省不可一日缺人合無勅下該部查例行令本官回籍調理病痊赴部聽用仍別差御



史一員前來接管鹽政如此則不惟本官得以荷皇上  
曲成再造之恩而鹽政亦不至於廢弛矣緣係風憲官  
員患病危迫事理未敢擅便為此具本專差親齎謹題  
請旨嘉靖十五年十一月初六日



苑洛集卷十四